


Mazarin
2839

Predication d'estat faite devant

toute la cour

UNIVERSITY OF N.C. AT CHAPEL HILL



00023007345

RARE BOOK
COLLECTION



THE LIBRARY OF THE
UNIVERSITY OF
NORTH CAROLINA
AT
CHAPEL HILL
Mazarin
2839

2839
PREDICATION

DESTAT
FAITE DEVANT
TOVTE LA COVR.

Sçauoir si vn Souuerain, peut
selon Dieu faire des fauo-
ris; & quels fauoris il
peut faire.

A PARIS,

M. DC. XLIX.

TRÉDICATION

DESTAT

FAITE DEVANT

TOUTE LA COUR.

Scavoir à vis & souvenir pour

selon Dieu faire des lois

et de quels manières il

peut faire

A T A R I S.

M. DC. XLIX.

PREDICATION

d'Estat, faite deuant toute la
Cour; ſçauoir ſi vn Souue-
rain peut ſelon Dieu faire
des fauoris, & quels fauoris
il peut faire.

Comme ie crains que quelques-vns qui
prendront la peine de lire cecy ne pren-
nent mes ſentimens à contre ſens, ie ſuis
bien aïſe de leur faire ce petit auant propos
pour les detromper du ſens literal auquel ils
pourroïent ſ'attacher contre mon intentiõ. Vn
ruſé & Politique Predicateur propre à la mo-
de, ayant eſté prie ces iours pãſſez par quel-
ques perſonnes intereſſées, & qui craignoient
vn reuers, de Preſcher là deſſus, fit le diſcours
qui ſ'enſuit deuant toute la Cour, en forme de
Predication; ie crois ſuiure aſſez ponctuelle-
ment ſes penſées, & ie prie le Lecteur de me
continuer ſa lecture favorablement.

In nomine, &c.

Gloria & honore coronatiſtium. Vous l'avez

A ii

Couronné d'honneur & de gloire; Ce sont les paroles du Prophete Royal. Bien que ce discours ne semble pas vne matiere propre pour la Chaire, mais plustost pour la chambre & le Cōseil, i'ay creu pourtant en y mêlant l'interest de Dieu, qu'il estoit comme necessaire de le faire, veu beaucoup de petits abus qui se glissent, & des scrupules legers dont on veut charger les consciences, comme de gros crimes. En effet, dans le suiet que ie traite, il semble qu'on vueille enchaîner la liberté des Roys, & qu'on vueille les empêcher de faire ce qu'ils doiuent en quelque façõ, puis que ayāt vn plein pouuoir sur leurs sujets, ils en peuuent disposer comme bon leur semble; & mesme il y a vne certaine necessité dans leur puissance & dans leur auctorité, qu'ils n'en doiuent vser que pour en faire participans ceux qu'ils iugent capables de leurs faueurs: & ceux-là doiuent estre comme celuy dont parle le Prophete, *Gloria & diuitia in domo eius*, gloire & richesse dans leurs maisons. Ils doiuent faire éclater la magnificence de leurs Rois, non seulement en eux & en ceux qui leur appartiennent, mais aussi dans leurs maisons, qu'ils doiuent orner de toute sorte de richesses, de tableaux, de meubles, & de curiositez, pour faire mieux éclater la bon-

té du donateur, & pour inuiter les autres à se procurer des qualitez recommandables pour gagner les bonnes graces de leurs Princes. Je sçay bien que quelques critiques ne gouteront pas cecy, mais i'espere avec l'ayde de Dieu, quand ils auront gousté mon raisonnement, qu'ils se rangeront facilement de mon party. Auant que d'entrer plus auant dans la lice, il faut s'adresser à la Mere de verité pour la prier d'appuyer cellecy, & pour nous octroyer des forces pour ce suiet: disons luy donc,

Aue Maria.

Pour appuyer mes sentimens dans ce discours, si i'osois parler des prophanes, ie ferois voir les magnificences dont vsa ce grand & illustre Conquerant de toute la terre, à l'endroit de son bien aymé Ephestion: Je ferois voir les largesses dont il le combla pendant sa vie, & les prodigalitez avec lesquelles il fit embellir son tombeau, plus riche & plus precieux que le Diamant de Semiramis, que le mont Palatin d'Heliogabale, que les Perches du Iardin de Cyrus, & que la Salle pavée de Saphirs d'Attabalippa. Mais comme mon dessein est de ne parler d'aucune chose prophane dans vne chaire de Saincteté, ie verray seulement, si les

Souuerains peuuent selon Dieu auoir des fauoris, & quels fauoris ils doiuent auoir? c'est là le premier point de mon discours; le second sera, sçauoir si toutes personnes doiuent aspirer à ce bon-heur? & le troisieme sçauoir, si estant dans la bõne grace d'un prince, on ne doit point espargner de sang pour y paruenir heureusement? & si on doit en cõt estat se deffaire de ceux qui peuuent nuire? le n'entreprendray pourtant rien, si vostre Maiesté ne l'a pour agreable, Sire; mais ie la prie auant toute œuure de considerer que ie veux combattre des opinions erronées, qui semblent en quelque façon combattre la liberté de ses sentimens, & celle de tous les Souuerains: bien que vostre âge vous dispense d'establir fermement vne amitié, le Sceptre que vous portez vous y dispose, & nous reconnoissons des-ia en vostre Maiesté tous les grands & glorieux auantages qu'on peut esperer d'un Prince de vostre naissance & de vostre education. Ie reuiens au premier point de mon discours.

Auant que d'establir mon opinion, j'appor-
teray les sentimens de ceux qui luy sont con-
traires, qui disent qu'un Souuerain doit aymer
egalement tous ses suiets; qu'il doit aymer les

Princes, comme Princes; ses Officiers, comme Officiers, ses guerriers, comme guerriers; & son peuple, comme son peuple, & moy ie ne responds à tous ces sentimens que par la mesme raison; Vn Souuerain doit aymer les Princes de son sang & de son Estat, ie l'aduouie; les Officiers comme Officiers, ie le confesse; les guerriers comme guerriers, qui en doute? & son peuple comme son peuple, la nature l'y oblige. Mais de dire que de tous ces gens-la il ne puisse faire choix de quelqu'un, qu'il iugera capable de mettre aupres de sa personne, c'est ce que ie nie, & que ie prouue qu'il doit faire. Prenons l'exemple de Dieu en cette rencontre: si Dieu a pris vn simple Berger pour le faire Vice-roy d'Egypte, & pour pourvoir à la seureté de tout ce Royaume; s'il a pris vn simple Israelite pour conduire tous ses compagnons & pour le faire participant de ses Oracles, ie parle de moyse; s'il s'est seruy d'un Iosué pour faire retrograder le Soleil, d'un Sâson pour terrasser tout vn peuple, & d'un enfant pour mettre vn Geant par terre, & s'acquerir vne Couronne & vn Sceptre: pourquoy est ce que les Souuerains, qui sont les viuantes images de Dieu sur terre, ne pourront imiter les exemples qu'il leur pres-

crit, & marcher sur les sentiers qu'il leur trace? Allons plus avant ; si le Fils de Dieu voulant venir au monde, a fait le choix d'une simple fille pour nous procurer le bien de sa venue ; si conuersant dans le monde, il n'a pas voulu faire choix de Princes & de Seigneurs pour les admettre à sa compagnie (bien qu'il le pût, apres en auoir veu trois qui l'estoient venus adorer dans son estable) mais seulement de simples pescheurs ; si estant à l'arbre de la Croix, il a preferé vn larron à l'autre ; enfin pour n'estre pas si long, s'il a faict venir à son sacré Vicariat au souuerain Pontificat, des personnes d'une petite naissance ; pourquoy est-ce que les Souuerains qu'il a estably pour ses Vicaires temporels, n'yseront pas des priuileges qu'il leur a donnés, puisque luy mesme leur en a monstre le chemin?

Il est donc tres constant que les Souuerains peuuent faire des fauoris. Voyons maintenant quels fauoris: s'ils choisissent des Princes pour cet effect, leur naissance leur donne des-ia cet auantage ; s'ils choisissent des grands Seigneurs, ils ne pourront augmenter que leurs richesses, & non pas leurs qualités ; ils doiuent donc faire ce que dit le Prophete, *Suscitare à*

terra

terrainopem & de stercore erigere pauperem, vt collocent eum cum principibus, cum principibus populi sui : ce sera pour lors qu'ils feront dignement eclater la liberté de leurs sentimens, & la grandeur de leur puissance; ce sera pour lors que celui qu'ils auront eleué à ce haut point, s'escriera hautement, *fecit mihi magna qui potens est*; Ce sera pour lors qu'il confessera, que *exaltauit humilem*; enfin ce sera pour lors que tous tascheront de se rendre capables, de s'acquerir la bonne grace de leur Souuerain, voyant celui que *gloria & honore coronauit eum*, il est donc tres asseuré, que les Souuerains peuuent faire des fauoris, mais que pour faire eclater leurs liberalités & leur puissance, ils doiuent les choisir d'une naissance peu considerée.

Entrons dans le second point de nostre discours, & voyons si toutes les personnes doiuent aspirer au bien de la bonne grace de leurs Souuerains. Il semble que cette question soit quasi decidée, voyons pourtant & disons, que toutes personnes doiuent auoir ces sentimens. Je le prouue non seulement par cette raison commune, que tous les hommes ont vne certaine affection pour eux, qu'ils s'estiment encore plus qu'ils ne sont, la plus part n'obseruant pas bien cet apophtegme, *γινῶτι σεαυτὸν nosce te ipsum*; mais ie le prouue par ce commandement de Dieu, *petite & accipietis, querite & inuenietis, pulsate & aperietur vobis*: Dieu ne commande-il pas à tout le monde de chercher son bien, & de s'intriguer pour cet effect: la nature mesme nous a imprimé ces iustes mouuemens. Et la Morale nous apprend que *omnia bonum appetunt*. Se peut il voir

vn plus grand bien, que celuy où l'on se procure la bien-veillance de son Souuerain, & où l'on trouue le moyen de voir abondamment, *gloria & diuitia in domo eius*: pour moy ie ne voy point de difficulté qui puisse arrester en quelque façon ce dessein, puis qu'il est si iuste.

Voyons nostre troisieme Point, sçauoir si pour acquerir la bonne grace d'un Prince, on ne doit point epargner de sang pour y paruenir? Je tiens tousiours l'affirmatiue, & ie dis qu'un homme qui a ce dessein, doit employer feu, fer & poison, & tout ce qui peut luy estre vtile. Je le prouue par ce raisonnement, que si Dieu nous a commandé de chercher nostre bien, & qu'il y ait des obstacles à l'atteindre, ne deuons-nous pas nous seruir de tous les moyens qui nous peuuent estre profitables? *voluntarie sacrificabo tibi*, dit le Prophete, & vn peu plus bas, *super inimicos meos depexit oculus meus*: quel sacrifice plus propre & quelle offrande plus iuste peut-on faire, que celle qui sert de pierre d'achoppement à nos desseins? Non, non, vn homme qui veut paruenir à ce haut rang, ne doit épargner ny sang, ny personnes, non pas mesme ses parens: & i'ose dire, son propre pere, *calca patrem, calca matrem*, & i'approuue en quelque façon le zele qu'eut autrefois cette femme de Tarquin, qui fit passer son carrosse & ses cheuaux sur le corps tout sanglant de son pere, pour aller embrasser son mary couronné. Mais voyons maintenant ce que doit faire vn Souuerain ayant esleué vn de ses suiets aupres de sa pers. sa personne, ne doit il pas faire comme Pharaon fit à

Ioseph, s'il l'en iuge capable, & luy dire, *Dominare in medio inimicorum tuorum*, ou bien, *ponam inimicos tuos scabellum pedum tuorum*? & luy dans cet estat ne doit-il pas reconnoistre les faueurs qu'on luy fait, *extendit manum suam super me*, ou bien, *laua eius sub capite meo*, ou bien, *ideo dilexit me rex, & introduxit me in cubiculum suum*? ils doiuent tous deux auoir ces sentimens, le Souuerain d'accroistre tousiours son fauory & le fauory, de reconnoistre ses graces.

J'ay promis au commencement de ce discours, d'y mesler l'interest de Dieu, & c'est ce que ie vay faire. Le fauory se voyant donc eleué dans la grandeur, que doit-il faire? il doit reconnoistre non seulement le Souuerain qui luy fait du bien, mais le Souuerain des Souuerains, qui en est la premiere cause, il doit remettre tout son bon heur entre les mains de sa providence; reconnoistre que c'est luy qui dispense les sceptres & les Couronnes, qui regit les volontés, & qui dispose de la fortune comme bon luy semble. Mais cōment le reconnoistre? par vne conscience pure & par aumosne, qu'on doit faire à ses pauures, s'il le fait il ne doit point douter apres cela, que *centuplum accipiet, & vitam eternam possidebit*.

Quelle conclusion tirerons nous de tout ce discours, de disposer les Princes à faire des fauoris? leur naissance leur donne ces pensées de disposer les personnes à auoir ces iustes sentimens, la nature les y inuite. Concluons donc par vn autre point, & inuitons & les Souuerains à reconnoistre Dieu, comme dependans de luy, & les peuples à reconnoistre tous les

deux dont ils dependent. Oüy Princes, vous dependés de Dieu , & ce chef qu'il a orné de Couronnes, fera s'il le veut , reduit dans vn moment en poulliere. Oüy, peuples, vous dependés de Dieu , puis que c'est luy seul qui vous sustente, mais vous dependez encore de vos Souuerains, puis qu'ils sont les viuantes images de Dieu sur terre. Souuerains, aymés donc Dieu, comme vous y estes obligés; Peuples aymés Dieu & vos Souuerains , puis que l'honneur & vostre deuoir vous y conuie: Souuerains si vous aymés Dieu, Peuples si vous adorés Dieu & si vous respectés vos Souuerains, ie vous annonce que vous receurez vn iour des couronnes eternelles , qui vous seront données par le Pere, par le Fils, & par le S. Esprit. Ainsi soit-il.

Voila cher Lecteur les bons sentimens avec lesquels on veut éleuer le Roy, dont la prudence desja sans seconde, ne fait point de cas, aymant mieux suivre genereusement les chemins de la vertu que ses glorieux ancestres luy ont tracés, voila ce que la plupart des Confesseurs & Predicateurs du temps portent aux oreilles de ceux de la Cour , qui se laissent quelquefois charmer à ces amorces, i'ay esté bien aise de vous en faire participant , ie vous crois tres-capable pour iuger de mes intentions, & pour prendre la piece selon mon sens, c'est ce dont ie vous supplie.

F I N.

